

Broj: 101-9868/18 DŽS/MS -  
Zenica, 06.07.2018. godine

Na osnovu člana 69. stav 2, tačka (d), člana 70. stav 1,4 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-9867-1/18DŽS od 04.07.2018. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

## **ODLUKU**

o poništenju postupka za nabavku kanalizacionih cijevi PEHD/PP i PVC

I

Poništava se postupak javne nabavke roba za nabavku kanalizacionih cijevi PEHD/PP i PVC, iz razloga što nijedna dostavljena ponuda nije prihvatljiva za Ugovorni organ-član 69. stav 2, tačka (d), Zakona o javnim nabavkama BiH.

II

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

IV

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 101-8539/18 HK od 06.06.2018. godine. Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 36 mjeseci. Procijenjena vrijednost javne nabavke bez uračunatog PDV-a je 49.600,00KM.

Dana 07.06.2018. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-328-3-47/18 objavljena je i tenderska dokumentacija.

Poziv za preuzimanje tenderske dokumentacije broj: 713-8539-3/18HK od 07.06.2018. godine upućen je sljedećim ponuđačima:

1. CMC Group d.o.o. Sarajevo,
2. Vodoskok d.o.o. Tomislavgrad,
3. Peštan d.o.o. Trn Laktaši
4. Hidroinženjering&Economic d.o.o. Banja Luka
5. Toplota d.o.o. Zenica
6. Bosnaplast d.o.o. Sarajevo

Na osnovu Izvještaja o preuzimanju tenderske dokumentacije od strane ponuđača od 04.07.2018. godine u 12:15 sati, utvrđeno je da su sljedeći ponuđači preuzeli tendersku dokumentaciju:

1. Ekapija d.o.o.
2. BBS Europe
3. CMC Group d.o.o.

4. Toplota d.o.o.
5. Inter-com d.o.o. Zenica
6. Regeneracija d.o.o.
7. Vodokok d.o.o. Tomislavgrad
8. Ganik IDA d.o.o. Vitez
9. Pero d.o.o. Zenica
10. SHPP d.o.o.
11. Hidroinženjering And Economic d.o.o.
12. Bosna-kom d.o.o. Gračanica
13. Peštan d.o.o. Trn-laktaši

3. Rok za dostavljanje ponuda je bio 25.06.2018. godine do 13:00 sati.

Komisija za nabavku imenovana je Odlukom broj: 101-316/18 MS od 10.01.2018. godine. Komisija za nabavku je dana 05.07.2018. godine direktoru preduzeća dostavila Zapisnik o ocjeni ponuda broj: 716-9867/18 DŽS od 04.07.2018. godine i Preporuku o poništenju postupka broj: 716-9867-1/18DŽS od 04.07.2018. godine, u postupku javne nabavke za nabavku kanalizacionih cijevi. Utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponude
- da nema neblagovremeno zaprimljenih ponuda,
- ukupno 13 (trinaest) ponuđača je preuzelo tendersku dokumentaciju sa Portala javnih nabavki.

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila:

Ponuđač Inter-com d.o.o. Zenica za stavke 1,2,3 i 4 nije priložio kataloški list sa opisom i tehničkim karakteristikama. Priložen je cjenovnik što nije prihvatljivo. Za navedene stavke ponuđač je ponudio stavke sa vanjskim promjerom a tražene su stavke sa unutrašnjim promjerom. Za stavku 1 nije dostavljen traženi certifikat. Za stavku 11 nije priložen kataloški list već ponuđač navodi ovu stavku u dostavljenom cjenovniku za stavke 1,2,3 i 4. Za stavku 5 ponuđač je priložio uopšteni materijal iz kojeg se ne vide tehničke karakteristike i opis. Stavke od 7.6 do 7.11 nisu ponuđene u kataloškom listu za stavku 7. Stavke 8.6,8.7 i 8.8 nisu ponuđene u kataloškom listu za stavku 8. Za PVC cijevi nije dostavljen traženi certifikat. Zbog gore pobrojanog ponuda ponuđača Inter-com d.o.o. Zenica se odbija u skladu sa članom 68., stav 4., tačka (i) Zakona o javnim nabavkama BiH.

Ponuđač Peštan d.o.o. Trn-Laktaši nije ponudio posebno kataloški list za stavku 4 (brtve) nego je naveo da ona dolazi u sklopu cijevi što nije prihvatljivo. Za stavke 3.1 i 3.2 (triplex spojnice DN unutrašnji) ponuđene su spojnice sa vanjskim promjerom, što nije traženo. Zbog gore pobrojanog ponuda ponuđača Peštan d.o.o. Trn-Laktaši se odbija u skladu sa članom 68., stav 4., tačka (i) Zakona o javnim nabavkama BiH.

Ponuđač Vodokok d.o.o. Tomislavgrad nije dostavio traženi certifikat za stavku 6 (PVC cijev kućna kanalizacija). Zbog gore navedenog ponuda ponuđača Vodokok d.o.o. Tomislavgrad se odbija u skladu sa članom 68., stav 4., tačka (i) Zakona o javnim nabavkama BiH.

Ponuđač Pero d.o.o. Zenica nije ponudio posebno kataloški list za stavku 4 (brtve) nego je u kataloškim listovima za cijevi naveo da brtve dolaze u sklopu cijevi što nije prihvatljivo. Za stavke 3.1 i 3.2

(tripleks spojnice DN unutrašnji) ponuđene su spojnice sa vanjskim promjerom, što nije traženo. Ponuđač Pero d.o.o. Zenica nije dostavio sadržaj ponude.

Zbog gore pobrojanog ponuda ponuđača Pero d.o.o. Zenica se odbija u skladu sa članom 68., stav 4., tačka (i) Zakona o javnim nabavkama BiH.

Shodno prethodno navedenom, Komisija je dala Preporuku da se poništi postupak za nabavku kanalizacionih cijevi PEHD/PP i PVC jer nijedna ponuda nije prihvatljiva ponuda za Ugovorni organ. Iz navedenih razloga, primjenom člana 69., stav 2., tačka (d). Zakona o javnim nabavkama BiH, odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



Direktor:

Pašalić Emir, dipl.ing.građ

#### **DOSTAVLJENO:**

- 1 x Direktor preduzeća
- 1 x Pom.dir.za ekon. i prav.posl.
- 1 x Pom.dir.za tehn.posl.
- 1 x Pom. dir. za razvoj i investicije
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a